


Vischnaunca da Breil



Lescha da salarisaziun

Art.	1	Intent
	2	Egualitad dallas schlatteinas
	3	Dretg subsidiar
	4	Persunal dall'administraziun
	5	Luvriers da vischnaunca
	6	Lavur cumina
	7	Persunal temporar
	8	President communal
	9	Geraus
	10	Daner da seduta
	11	Dretg a daner da seduta
	12	Cussegl da vischnaunca
	13	Daner da protocol
	14	Spesas
	15	Quens da spesas
	16	Cumissiun da quen e gestiun
	17	Cumissiun da baghegiar
	18	Controlla dil quen
	19	Adattaziun
	20	Determinaziuns finalas

Art. 1

Intent Questa lescha da salarisaziun normescha l'indemnisaziun da tut las autoritads e cumissiuns communalas ed ils emploiai da vischnaunca, nun che prescripziuns specialas e contracts stipuleschien enzatgei auter.

Art. 2

Equalitad dallas schlatteinas Funcziuns officialas ed indicaziuns professionalas en quei regulativ serefereschian ad omisduas schlatteinas.

Art. 3

Dretg subsidiar Aschinavon che quei regulativ menziunescha expressivamein nuot auter, valan subsidiaramein las determinaziuns dalla legislaziun per il persunal dil Cantun.

Art. 4

Persunal dall'administraziun Il persunal occupaus permanentamein ell'administraziun communal vegn salarisaus a norma dil reglament dil persunal cantunal. La classa ed il scalem da salarisaziun vegnan fixai dalla suprastanza communal. Las spesas vegnan restituidas sin fundament dil reglament per il persunal cantunal.

Art. 5

Luvrers da vischnaunca Ils luvrers da vischnaunca ed auters gidonters vegnan indemnisai tenor contract u tenor paga currenta. La suprastanza communal fixescha mintgamai all'entschatta digl onn ni a caschun digl engaschament l'altezia dalla paga.

Art. 6

Lavur cumina Lavur cumina vegn ordinada dalla suprastanza communal ed indemnisada cun frs. 25.00 per ura.

Art. 7

Persunal temporar Persunal temporar cun engaschament tochen in onn vegn engaschaus dalla suprastanza communal, la quala fixescha era la salarisaziun.

Art. 8

President communal Il president communal vegn salarisaus cun 60% dalla classa 21. Emprema perioda d'uffeci scalem 1, secunda perioda d'uffeci scalem 2 e tierza perioda d'uffeci scalem 3 a norma dil reglament da salarisaziun dil persunal dil Cantun. Igl engaschament per jamna munta per ordinari a 3 dis.

Cumpriu ell'indemnisaziun ei:

- tutta representanza dalla vischnaunca viers anora
- tuttas lavurs ordinarias d'administraziun ed uras sin canzlia
- tut il studi da documents
- tuttas preparativas dallas sedutas da suprastanza, dil cussegl da vischnaunca, da radunonzas da vischnaunca e da cumissiuns.
- la responsablada per ils messadis.

Supplementarmein vegn indemnisau:

- sedutas da suprastanza
- la lavur prestada ordeifer la vischnaunca
- tuttas spesas effectivas che seresultan da sia lavur sco representant dalla vischnaunca e dall'obligaziun directa digl uffeci (portos, telefons, cuost e loschi ordeifer la vischnaunca e cuosts da viadi ordeifer la vischnaunca).
- spesas da viadi per sesidas ordinarias da suprastanza a Breil per sesents ad Andiast, Danis-Tavanasa, Dardin e Waltensburg/Vuorz).

Per las prestaziuns socialas valan las medemas prescripziuns sco per il persunal da vischnaunca occupaus permanentamein.

L'indemnisaziun da spesas sedrezza tenor artechel 14.

Art. 9

Geraus

Ils geraus vegnan indemnisai cun in fixum da 7'000.00. Quella summa vala sco indemnisaziun pauschala per la lavur generala. Sedutas vegnan ultra da quei indemnisadas a norma dallas prescripziuns da quei regulativ.

Tut las spesas effectivas che seresultan dalla lavur e dall'obligaziun directa digl uffeci (portos, telefon, viadis) vegnan indemnisadas. Indemnisadas vegnan era las spesas da viadi da commembers dalla suprastanza communal ord las fracziuns d'Andiast, Danis-Tavanasa, Dardin e Waltensburg/Vuorz per sesidas ordinarias da suprastanza che han liug a Breil.

Il vicepresidente survegn in supplement annual da funcziun da frs. 1'000.00. En cass da substituziun pervia d'ina assenza dil president communal che cuoza senza interrupziun pli ditg che 30 dis ha il vicepresidente ni in auter commember da suprastanza il dretg da retscheiver proporziunalmein la medema summa sco il president communal.

Art. 10

Daner da seduta Cussegl da vischnaunca, suprastanza e cumissiun da quen e gestiun:

- | | |
|-------------------------|-----------------------|
| - sedutas tochen 2 uras | pauschala da frs.60.– |
| - sedutas sur 2 uras | per ura frs. 30.– |

Cumissiuns:

Per sedutas da cumissiuns permanentas sco era per delegaziuns officialas (uatgas, radunonzas, etc.) era che han liug ordeifer il temps da lavur usitau (seras, sondas, dumengias e firaus), vegnan ils commembers dalla cumissiun, presents alla seduta, indemnizai sco suonda:

- | | |
|-------------------------|-----------------------|
| - sedutas tochen 2 uras | pauschala da frs.40.– |
| - sedutas sur 2 uras | per ura frs. 25.– |

Art. 11

Dretg a daner da seduta Dretg a daner da seduta han:

suprastanza communal

cumissiun da quen e gestiun

cumissiun da baghegiar

cumissiun da scola

Tuttas cumissiuns preparatorias e transitorias eligidas dalla suprastanza ni dil cussegl da vischnaunca.

cumissiun da meglieraziun

delegai da vischnaunca en gremis surcommunals

Negin dretg a daner da seduta han:

Ils commembers da suprastanza per las sedutas dil cussegl da vischnaunca

- Ils commembers dalla cumissiun da gestiun per las sedutas dil cussegl da vischnaunca.

Art. 12

Cussegl da vischnaunca

Il president dil cussegl da vischnaunca vegn salarisaus annualmein cun frs. 500.–. Igl actuar dil cussegl da vischnaunca vegn salarisaus annualmein cun frs. 500.–. L'adattaziun da quei fixum stat en cumpetenza dil cussegl.

Art. 13

Daner da protocol Igl actuar da scadina autoritad e cumissiun communalas survegn per mintga protocol ch'el ha l'obligaziun da scriver in'indemnisaziun pauschala da frs. 50.00.

Art. 14

Spesas Per viadis, cuost e loschi ordeifer la vischnaunca vegn restituiu las spesas tenor l'ordinaziun per il personal dil cantun Grischun e per cuosts supplementars ils cuosts effectivs.

Art. 15

Quens da spesas Ils quens da spesas vegnan controllai e visai dil cau dil departament. En cass dispoteivels decida la suprastanza communalas.

Art. 16

Cumissiun da quen e gestiun Ils commembers dalla cumissiun da quen e gestiun vegnan indemnisai tenor artechel 10.

Il president dalla cumissiun da quen e gestiun obtegn ina pauschala da frs. 1'000.--. Quella summa vala per:

preparativas per discuors e sesidas cun las instanzas communalas

la redacziun dil rapport annual dalla cumissiun da gestiun

Art. 17

Cumissiun da baghegiar Ils commembers dalla cumissiun da baghegiar vegnan indemnisai tenor artechel 10.

Il president dalla cumissiun da baghegiar obtegn in fixum annual da frs. 1'000.--.

Art. 18

Controlla dil quen Per tutta lavur supplementara e per tuttas spesas eis ei da presentar in quen detagliau cun indicar cuortamein la lavur prestada. Il quen vegn controllaus e visaus dil cau dil departament ni dil president dalla cumissiun (mira era art. 15).

Art. 19

Adattaziun La cumissiun da quen e gestiun ha dad examinar questa lescha silmeins mintga quater onns e da far propostas per mauns dalla suprastanza per eventualas midadas ed adattaziuns da pagas ed indemniziuns.

Art. 20

Determinaziuns finalas Questa lescha ei vegnida approvada dil cussegl da vischnaunca ella seduta dils 28 da fevrer 2018 ed entra en vigur retroactivamein igl 1. da schaner 2018. Ella remplazza tut ils reglaments semeglionts dallas vischnauncas d'Andiast, da Breil e da Waltensburg/Vuorz.

En num dalla suprastanza communal***En num dil cussegl da vischnaunca***

Il president: *Clau Schlosser*

Il president: *Maurus Tomaschett*

Igl actuar: *Carlin Cadonau*

Igl actuar: *Carlin Cadonau*